

یوہ آکا شوانی جموں ہے محمد امین انجم

تیں خبر سُنو۔

Kathua Cloudburst

اج ضلع کٹھوعہ مانہ بدل پھٹ گيو جس غی وجہ نال جنگلوٹ تے اس غا نزدیکی علا
قال مانہ بڑو نقصان ہو گيو۔ اس سلسلہ مانہ کنیں گھراں، مقامی پولیس تھانہ، ریلوے
ٹریک اور قومی شاہراہ غا کنیں حصال نانہ نقصان پُجیو ہے۔ بدل پھٹ جان غا اس واقعہ
مانہ 4 افراد ہلاک تے کنیں زخمی ہو گیا ہیں۔ وزیر اعلیٰ عمر عبداللہ نے اس سلسلہ
مانہ تعزیت غو اظہار کرتاں واں فوری طور ور رلیف تے بچاؤ کا روائیاں غو حکم
دیتو ہے۔ مرکزی وزیر ڈاکٹر جتندر سنگھ نے کہیو ہے کہ عام لوک فوج تے نیم فوجی
دستہ سرگرمی نال رد عمل ظاہر کر رہیا ہیں۔ اس سلسلہ مانہ صورتحال غی نزدیکی نگرانی
رکھی جا رہی ہے۔

Kishtwar Cloudburst

ضلع کشتواڑ غا چشوتی گراں مانہ تباہ کن بدل پھٹن تیں بعد رلیف تے بچاؤ کا روائیاں چل
رہی ہیں۔ فوج، این ڈی آر ایف، ایس ڈی آر ایف، پولیس تے مقامی انتظامیہ زمینی سطح
ور کم کر رہی ہیں۔ وزیر اعلیٰ عمر عبداللہ نے کل سیلاب متاثر گراں چشوتی غو دورو
لایو تے بدل پھٹن غا نتیجہ مانہ آن آلا سیلاب تیں ہوا نقصان غو انداز لایو دورہ غے دوران
انہاں نے لوکاں نال گل کی تے اُن غا لا پتہ رشتہ داراں بارے جانکاری حاصل کی۔

MoS PM

مرکزی وزیر ڈاکٹر جتندر سنگھ نے کہیو ہے جے وزیر اعظم نریندر مو دی ذاتی طور
ور کشتواڑ مانہ بچاؤ تے رلیف کا روائیاں غی نگرانی کر رہیا ہیں۔ انہاں نے کہیو ہے
جے بالکل پہلے دن اک جائزہ میٹنگ منعقد کی گئی۔ تے جمعہ غے روز لیفٹنٹ گورنر
اور وزیر اعلیٰ نال گل کی گئی۔ انہاں نے کہیو ہے سرکار غا تمام محکمہ نزدیکی تال
میل نال کم کر رہیا ہیں۔ اس ضمن مانہ دسیو گيو ہے جے فوج، بی ایس ایف، سی آر پی
ایف تے دوجا مرکزی دستہ سرگرمی نال شامل ہیں۔ اس سلسلہ مانہ سرحدی سڑک تنظیم
ملبو ہٹا غے چل رہی بچاؤ کو ششان مانہ مدد کر رہی ہے۔ وزیر موصوف نے مزید
کہیو ہے جے متاثرین نانہ مناسب معاوضہ دیتو جا ئے گو۔

کشتواڑ غا چشوتی مانہ بدل پھٹن غے مدِ نظر صحت خدمات با رے ڈائریکٹو ریٹ جموں نے ڈاکٹر عبدالمجید زرگر غی رہنمائی مانہ کشتواڑ غا چشوتی علاقہ مانہ ہنگامی طبی ردِ عمل شروع کیو۔ اس سلسلہ مانہ ڈاکٹر ان تے نیم طبی عملہ سمیت کئیں ٹیم 24 گھنٹا خدمات انجام دے رہی ہیں۔ پورا سازو سامان نال لیس ایمبولینس گڈیں شدید طور بیمار مریضان مانہ اک جگہ تیں دوجی جگہ لے جان غا کم مانہ یقینی بنا رہی ہیں۔ اسے طرح ہنگامی میڈیکل کیمپ لازمی دوائیاں نال نزدیکی متاثر علاقان مانہ قائم کیا گیا ہیں۔ محکمو صحت ضلع انتظامیہ تے ایس ڈی آر ایف اور این ڈی آر ایف نال نزدیکی تال میل بنایاں واں ہیں۔ اس سلسلہ مانہ چیف میڈیکل افسر کشتواڑ ڈاکٹر راجندر ضرورت مانہ طبی مدد مہیا کران مانہ مدد کر رہیا ہیں۔

Rana Poonch

جل شکتی غا وزیر جاوید احمد رانا نے ضلع پونچھ غا سرنگوٹ تے مینڈھر سب ڈویژن غا زمین کھسکن تیں متاثر علاقان غو دورو لایو۔ دورہ غے دوران انہاں نے نقصان غو اندازو لایو، نالے سڑک بحالی غو جائزولایو۔ اور فوری طور ور رلیف تدبیراں غو حکم دتو۔ وزیر موصوف نے جنیار ڈنگلا ایکن اسکول غو دورو لایو تے طالب علماں نال گل کی۔

AIIMS Jammu

ایمز جموں نے اک نمایاں سنگِ میل حاصل کرتاں واں آئوٹ لک رسالہ 2025 مانہ قومی سطح ور 7 ووں مقام حاصل کیو ہے۔ یوہ مقام سرکاری میڈیکل یونیورسٹیاں غی درجہ بندی غا سلسلہ مانہ حاصل کیو گیو۔ جیپڑو ایمز دہلی تیں ذری پچھے ہے۔ اس سلسلہ مانہ ہسپتال نے 2.6 لکھ مریضان غو اعلاج کرن تے 1 ہزار 8 سو تیں متا آپریشن کرغے یوہ مقام حاصل کیو۔ ایکزکیٹو ڈائریکٹر ڈاکٹر شکتی کمار گپتا غے سر اس کامیابی غو سہرو جائے، کیونجے یوہ درجو ان غا نظریہ غی قیادت تے قومی صحت دیکھ بھال شروعاتان غا نتیجہ مانہ ملیو ہے۔

Weather

محکمہ موسمیات نے اج تیں 19 اگست تک پہاری بارش تے گرج کڑک بارے چوکس کیو ہے۔ اس سلسلہ مانہ جموں ڈویژن غا ضلع جموں، ریاسی، ادھم پور، راجوری، پونچھ، سانبہ تے کٹھوعہ مانہ ہلکی تیں درمیانہ درجہ غی بارش غو امکان ظاہر کیو گیو ہے۔ اسے طرح ڈوڈہ، کشتواڑ، رام بن مانہ پہاری بارش ہو سکے، جد کہ وادی کشمیر غا گجھ حصاں مانہ پہاری بارش غے نال نال تیز ہوا چلن غی پیشنگوئی ہے۔ اس ضمن مانہ پہاڑی علاقان مانہ بدل پھٹن سیلاب آن، زمین کھسکن اور پتھر ڈھین غو خطرو ہے۔ لوکان مانہ صلاح دتی گئی ہے جے وین دریاں تے نالاں تیں دور رہیں۔ اس بارے سیاحان تے مسافراں مانہ اپنا سفر بارے دھیان نال منصوبو بنانو چاہیے۔

PTC Announcement

آکاشوائی جموں غا علاقائی خبراں غا شعبہ غی طرفوں ضلع جموں واسطے پی ٹی سی غی خاطر درخواست طلب کی گئی ہیں۔ اس سلسلہ مانہ مقرر کیا گیا پر فرما ور

خواہشمند اُمید واراں تیں درخواست طلب کی گئیں ہیں۔ آکاشوانی جموں واسطے پی ٹی سی غی درخواست دین آلا اُمید وار غی عمر 24 تیں 50 بہراں بشکار ہونی چاہیے، اس سلسلہ مانہہ کھٹو کھٹو لازمی تعلیم صحافت مانہہ پی جی ڈپلومو یاہ ڈگری یا فر کسے تسلیم شدہ یونیورسٹی تیں گریجویشن غی ڈگری غے نال نال صحافت مانہہ 2 بہراں غو تجربو ہونو ضروری ہے۔ اس غے نال نال اُمید وار کمپیوٹر غی جانکاری وی رکھتو وے۔ اُمید وار ضلع صدر مقام یاہ میونسپل حدود تیں 10 کلو میٹر غا دائرہ مانہہ رہا نش رکھتو ہونو چاہیے۔ تے اُمید وار ضلع جموں غو بسنیک ہونو چاہیے۔ اس ضمن مانہہ درخواست غی ہارڈ کاپی تمام ضروری کاغذات غے ہمراہ آکاشوانی جموں غا علاقائی خبراں غا شعبہ غا سربراہ غا دفتر مانہہ دستی طور ور 31 اگست 2025 بروز اتوار شام 6 بجے تک پُج جانی چاہیں۔ اس سلسلہ مانہہ تفصیلی جانکاری حاصل کرن واسطے متعلقہ ویب سائٹ غو استعمال کیو جا سکے۔ پتو اس طرح ہے

www.newsonair.gov.in

اس غے نال ہی خبراں غو یوہ بلیٹن ختم ہوؤ۔